

**Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiuteqartoqalersillugu ikiuinissaq pillugu Det Internationale Atomenergiagenturimi isumaqatigiisummut Danmarkip akuersinera pillugu inatsisip Kalaallit Nunaanni atuutilersinneqarnissaa pillugu peqqussummut oqaaseqaat pillugu Inatsisartut aalajangiiffigisassaattut siunnersuut**  
(UPA2016/104)

aamma

**Uunga siunnersuut: Tunisassianik marloqiusamik atorineqartartunik avammut annissuineramik nakkutiginninneq pillugu Kalaallit Nunaannut inatsisissatut siunnersuummut oqaaseqaateqarnissaq pillugu Inatsisartut aalajangiiffigisassaattut siunnersuut**  
(UPA2016/106)

aamma

**Atomip nukinganik atortussianik sorsunnerunngitsumut atuinermik nakkutilliineq pillugu Kalaallit Nunaannut inatsisissatut siunnersuummut oqaaseqaateqarnissaq pillugu Inatsisartut aalajangiiffigisassaattut siunnersuut**  
(UPA2016/107)

aamma

**Pinerluuteqarsimasunik tunniussisinnaatitaaneq pillugu inatsisip allangortinneqarneranik inatsisit ilaasa Kalaallit Nunaannut atuutilersinneqarnerannik kunngip peqqussutaanut Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut**  
(UPA2016/108)

**pillugit**

**Inuussutissarsiornermut Ataatsimiititaliap**

**siunnersuutip aappassaaneerneqarneranut**

**ISUMALIUTISSIISUTAA**

UPA2016/104,106,107,108

J.nr.: 01.25.01/16FM-LABU-000104

J.nr.: 01.25.01/16FM-LABU-000106

J.nr.: 01.25.01/16FM-LABU-000107

J.nr.: 01.25.01/15EM-LABU-000108

J.nr.: 01.36.02.03-00

Inuussutissarsiornermut Ataatsimiititaliap suliarinninnermini ilaasortarai:

Inatsisartunut ilaasortaq Siverth K. Heilmann, Atassut, siulittaasoq

Inatsisartunut ilaasortaq Aqqaluaq B. Egede, Inuit Ataqatigiit, siulittaasup tullia

Inatsisartunut ilaasortaq Justus Hansen, Demokraatit

Inatsisartunut ilaasortaq Suka K. Frederiksen, Siumut

Inatsisartunut ilaasortaq Iddimanngiu Bianco, Inuit Ataqatigiit

UPA2016-imi ulloq 13. april 2016-imi immikkoortut tamarmiusut siullermeerneqarnerisa kingorna ataatsimiititaliap siunnersuutit misissorpai.

## 1. Siunnersuutit imarisaat siunertaallu

*1.1 UPA2016/104 Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiuteqartoqalersillugu ikiuinissaq pillugu Det Internationale Atomenergiagenturimi isumaqatigiisummut Danmarkip akuersinera pillugu inatsisip Kalaallit Nunaanni atuutilersinneqarnissaa pillugu peqqussummut oqaaseqaat pillugu Inatsisartut aalajangiiffigisassaattut siunnersuut (Ikiuunnissamut nunani tamalaani isumaqatigiissut)*

Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiortoqalersillugu ikiuunnissaq pillugu IAEA-mi nunani tamalaani isumaqatigiissutip Kalaallit Nunaannut atuutsinneqalernissaa inatsisissatut siunnersuummi pineqartoq ataatsimiititaliamit maluginiarneqarpoq. Kunneqarfik Danmarkip isumaqatigiisumik akuersineratigut tamanna anguneqassaaq.

Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiortoqalersillugu naalagaaffinnut ilaasortaasunut sukkasuumik ikiuuttussanik pissarsinissamut iluaqutaasussamik, nunani tamalaani sinaakutissiinissaq, nunani tamalaani isumaqatigiisummut siunertaavoq, taamaaliornikkut kingunipiluit annikillisinneqarsinnaassallutik aammalu inuusut, pigisat avatangiisillu kingunipilunnt illersorneqassallutik.

Naalagaaffiit ilaasortaasut ikiuunnissaq pillugu IAEA suleqatigaat aammalu naalagaaffiit ilaasortaasut sapinngisamik immikkut ilisimasalinnik, atortunik atortussanillu ikiuunnermi ilaatinneqarsinnaasunik toqqaassapput, tamannalu pillugu IAEA-mut ilisimatitsissallutik.

Nunani tamalaani isumaqatigiissut sinaakutissatut ikiuunnermut tunngavissarititaasut pillugit aalajangersakkanik nalinginnaasunik arlalinnik imaqarpoq, taakkununga ilaallutik sulisunut aamma naalagaaffinnut ilaasortaasunut akileraarutinut akitsuutinullu tunngasut pillugit aalajangersakkat, ikiuulluni suliaqarnermut atatillugu pillarneqartussatut

malersorneqarnissamut il.il. eqqartuussisulersuunneqarsinnaannginnissaq pillugu aalajangersakkat aamma ikiuulluni suliaqarnermi aningaasartuutitik utertitsisarnissaq pillugu aalajangersakkat.

***1.2 UPA2016/106 Uunga siunnersuut: Tunisassianik marloqiusamik atorpeqartartunik avammut annissuinermik nakkutiginninneq pillugu Kalaallit Nunaannut inatsisissatut siunnersuummut oqaaseqaateqarnissaq pillugu Inatsisartut aalajangiiffigisassaattut siunnersuut.***

Inuiaqatigiinni atorpeqartarnermi saniatigut ilaatigut atomip nukinganit sakkussianik sananermut atorpeqarsinnaanini uranip pinngoqqaatinit allanit allaanerussutigaa. Tamatuma saniatigut Kalaallit Nunaanni ujaqqat pinngoqqaammik thoriumimik aamma atomip nukinganit qullorsinnaasunik, atomip nukinganit sakkussianut atorpeqarsinnaasunik, sananermut aamma atorpeqarsinnaasunik, akoqarsinnaapput. Uranimik piaanerup aamma avammut annissuinerup immikkoortuini tamaginni ersarissuutitsinissaq nakkutiginninnissarlu qulakkeerniarlugu, inuiaqatigiinni pisussaaffeqarnermut inatsisini saneqqunneqarsinnaanngitsunik pisussaaffeqarfiusumik aamma malittarisassanik annikinnerusumik pisussaaffeqarfiusunik, nunani tamalaani periaatsimik annertuumik inerisaasoqarsimavoq.

Tunisassianik marloqiusamik atorpeqartartunik, tassa imaappoq tunisassianik inuiaqatigiinni aamma sakkutooqarnermi siunertanut atorpeqarsinnaasunik (tulliuttuni taagorneqarput tunisassiat marloqiusamik atorpeqartartut) Kalaallit Nunaannit annissinermi, tunisassianik marloqiusamik atorpeqartartunik avammut annissuinermik nakkutiginninnermut nunani tamalaani pisussaaffiit sukkuulluunniit atuuttut Kunneqarfik Danmarkip malissallugit pisussaaffeqarfigisaasa, malinneqarnissaasa qulakkeernissaa inatsisissatut siunnersuutip siunertarigaa ataatsimiititaliamit maluginiarneqarpoq. Tunisassiat aamma teknologiit malussarissut siunertanut isornartoqartunut, tassungalu ilanngullugu sakkunik annertoorujussuarmik aseruisartunik ineriartortitsinermut siaruarternermullu atorpeqannginnissaat imaluunniit nunanut nunani tamalaani eqqissisimanermut, sillimaniarnermut patajaassuseqarnermullu aarlerinartorsiortitsisunut annissorpeqannginnissaat avammut annissuinermik nakkutiginninneq atorlugu qulakkeerneqassaaq.

***1.3 UPA2016/107 Atomip nukinganik atorpuussianik sorsunnerunngitsumut atuinermik nakkutilliineq pillugu Kalaallit Nunaannut inatsisissatut siunnersuummut oqaaseqaateqarnissaq pillugu Inatsisartut aalajangiiffigisassaattut siunnersuut.***

Urani ilanngullugu atomip nukinganik atorpuussianik sorsunnerunngitsumut atuinissap qulakkeernissaa aammalu Kunneqarfik Danmarkip nunani tamalaani sillimaniarnermik nakkutilliinermut pisussaaffiit malinninnissaq siunertaralugu Kalaallit Nunaanni atomip

nukinganik atortussianik sillimaniarnermik nakkutilliineq inatsisissatut siunnersuutikkut maleruagassiuunneqarpoq. Atomip nukinganik sakkunik siammarterinnginnissaq pillugu isumaqatigiissutip aammalu IAEA-p ataani Kunngearfik Danmarkip sillimaniarnermik nakkutilliinermut pisussaaffiisa eqquutsinneqarnissaat qulakkeerniarlugu kiisalu suliaasaqarfimmi nunani tamalaani najoqqutassiat sakkortunerpaat, ilaatigut soorlu Australiami Canadamilu takuneqarsinnaasut malinneqarnissaasa qulakkeernissaat siunertaralugit Kalaallit Nunaanni atomip nukinganik atortussianik sillimaniarnermik nakkutilliineq atuutsinneqalissaaq.

Inatsimmi § 1-imi siunertamut aalajangersagaq immikkoortunut pingaarnernut marlunnut tunngassuteqarpoq; sorsunnerunngitsumut siunertanut atomip nukinganik atortussiat atugaanissaasa qulakkeernissaa aammalu nunani tamalaani sillimaniarnermik nakkutilliinermut pisussaaffimminik Kunngearfik Danmarkip eqquutsinissaata qulakkeernissaa.

Immikkoortoq siulleq atomip nukinganik atortussiat unioqquitsilluni sakkoqarnermik ingerlassani ilaatinneqannginnissaannik imaluunniit qunusiarinnilluni anguniagaqarnermut atatillugu atorneqannginnissaannik qulakkeerinninnissamut Kunngearfik Danmarkip pingaarnertut pisussaaffeqarneranut attuumassuteqarpoq. Ilaatigut IAEA-mit aalajangersaavigineqartunik naalagaaffiit innuttaannut pisussaaffinnut pituttuisutut minnerpaaffittut najoqqutassianit sukannernerusunik sillimaniarnermik nakkutilliinermut iliuseqarnissamik pisariaqartitsisoqarsinnaaneramik Kunngearfik Danmark, nunanut allanut, illersornissamut imaluunniit sillimaniarnermut politikikkut isumaliutaasut aallaavigalugit nalilersuisinnaassaaq.

***1.4 UPA2016/108 Pinerluuteqarsimasunik tunniussisinnaatitaaneq pillugu inatsisip allangortinneqarneranik inatsisit ilaasa Kalaallit Nunaannut atuutilersinneqarnerannik kunnigip peqqussutaanut Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut.***

Atomip nukinganik sakkoqarluni pinerliiniartoqartarneranut akiuinnermut nunani tamalaani isumaqatigiissutip 13. april 2005-imeersup Kalaallit Nunaanni peqataaffigilerlugu akuerineqarnissaa pillugu kiisalu Det Internationale Atomenergiagenturip atomip nukinganit atortussianik inissisimaffiini isumannaarinissaq pillugu nunani tamalaani isumaqatigiissutaanut nunani tamalaani isumaqatigiissummut allannguutip 8. juli 2005-imeersup Kalaallit Nunaannit peqataaffigilerlugu akuerineqarnissaa pillugu aalajangiiffigisassatut siunnersuutit Inatsisartut ulloq 2. december 2015-imi akueraat. Nunani tamalaani isumaqatigiissutit pineqartut taakkua piumasaqaatigaat politikikkut pinerluttuliortut tunniunneqarsinnaassasut, tamannalu pinerluuteqarsimasunik

tunniussisinnaatitaanermut inatsisip oqaasertalerneqarnera Kalaallit Nunaannut atuuttoq malillugu periarfissaqanngilaq.

## **2. Siunnersuutit Inatsisartunit siullermeerneqarnerat**

Immikkoortut siullermeerneqarneranni siunnersuutit tamarmiusut naalackersuisooqatigiit ilaasortaaitaanit tapersersorneqartut ataatsimiititaliamit oqaatigineqassaaq. Taamaalilluni amerlanerussuteqartut Siumumeersut, Demokraatineersut Atassummeersullu Inatsisartut aalajangiiffigisassaattut Naalackersuisut siunnersuutaat politikikkut taperserpaat.

Sinaakkutissatut piumasagaatinik inuussutissarsiornikkullu periarfissanik pisariaqartitsinermik naliliineq kiisalu ilaatigut IAEA aqutugalugu aammalu nunat tamalaat aalajangersagaannut allanut uranip Kalaallit Nunaanni piiarneqartup sorsunnerunngitsumut taamaallaat atorneqarnissaanik qulakkeereqataasunut ilaalernikkut Kalaallit Nunaata periutsit sillimaniarnermilu najoqqutassat nunanit tamalaanit akuerisat aallaavigalugit sulinissaanik kissaateqarneq tunngavigalugit taama tapersiineq ilaatigut oqaatigineqarpoq.

Ikinnerussuteqartut Inuit Ataqatigiinneersut isumaqarput inatsisissatut siunnersuut matumani pineqartoq unitsikkallarneqartariaqartoq aammalu Kalaallit Nunaat uranimik piiiaffigineqassanersoq avammullu tunisaqartalissanersoq innuttaasut taasitillugit isumasiorneqaaqqaartariaqartut. Tamanna eqqarsaatigalugu aalajangiiffigisassatut siunnersuutip matumani pineqartup Inatsisartuni suliarineqarnera tuaviuussaavallaartoq ikinnerussuteqartut isumaqarput.

Tunisassianik marloqiusamik atorneqartartunik (imm. 106) avammut nioqquteqarnissamik akuersinissamat atatillugu Namminersorlutik Oqartussat danskillu naalackersuisuisa akornanni atuuffiit agguataarneqarnissaat nangaassutigigitsik Inuit Ataqatigiit siullermeerinerneq oqaatigaat. Tamatumani Danmarki aalajangiisassalluni Namminersorlutillu Oqartussat tusarniaaffigineqartassallutik. Tamatuma saniatigut urani pillugu Danmarkimik isumaqatigiissutit assigiinngitsut Namminersorneq pillugu inatsimmi tunngaviulluinnartunik unioqutitsisut ikinnerussuteqartut isumaqarput.

## **Siunnersuutit tamarmik itigartinneqassasut ikinnerussuteqartut inassutigaaat**

Tamatuma saniatigut siunnersuutit siullermeerneqarneranni partiit oqaaseqaataat oqaatigineqartullu Inuussutissarsiornermut Ataatsimiititaliamit innersuussutigineqarput.

## **3. Tusarniaanermut akissutit**

UPA2016/104,106,107,108

J.nr.: 01.25.01/16FM-LABU-000104

J.nr.: 01.25.01/16FM-LABU-000106

J.nr.: 01.25.01/16FM-LABU-000107

J.nr.: 01.25.01/15EM-LABU-000108

J.nr.: 01.36.02.03-0148

Siunnersuutit Danmarkimi Kalaallit Nunaannilu susassaqtartunut tusarniutigineqarsimasut ataatsimiititaliamit maluginiarneqarpoq. Imm. 104 aamma 108 ulloq 27. januar – 25. februar 2016-imi tusarniaanermut nittartakkami tusarniutigineqarput. Imm. 106 aamma 107-mut atatillugu inatsisissatut siunnersuutit taakku marluk Danmarkimi Kalaallit Nunaannilu susassaqtartunut tusarniutigineqarsimapput. Aammattaaq inatsisissatut siunnersuutit taakku marluk piffissami 5. februar – 2. martsimi tusarniaanermut nittartakkami tusarniutigineqarput. Tusarniaanerit allannguissamat pissutissaqalersitsisimangitsut Naalakkersuisut paasissutissiipput.

### **3.1 Ataatsimiititalianik allanik peqataatitsineq**

Aalajangiiffigisassatut siunnersuutip isumaliutissiisummi matumani sammineqartup nalinginnaasumik oqaluuserineqarnissaanut ataatsimiititaliat taakku marluk aggersarlugit Inuussutissarsiornermut Ataatsimiititaliaq Nunanut Allanut Sillimanermullu Ataatsimiititaliamut aammalu Aatsitassanut Ataatsimiititaliamut allagaqarsimavoq. Inuussutissarsiornermut Ataatsimiititaliap ataatsimiititalianut taakkununga marlunnut allagai ilanngussatut ilanngunneqarput.

### **3.2 Inuussutissarsiornermut, Suliffeqarnermut, Niuernermit Nunanullu Allanut Naalakkersuisup, Inuussutissarsiornermut Ataatsimiititaliap, Aatsitassanut Ataatsimiititaliap aammalu Nunanut Allanut Sillimaniarnermullu Ataatsimiititaliap siunersioqatigiinnerat.**

Siunersiuinissamat aggeqqusissut isumaliutissiisummut ilanngussatut ilanngunneqarpoq.

### **3.3 Siunnersuutit aappassaaneerneqarnissaannut ataatsimiititaliamit apeqqutit**

Siunnersuutit uku aappassaaneerneqarnissaannut akissuteqaamminni apeqqutit matuma kinguliani allasimasut akissuteqarfigeqqullugit Naalakkersuisut ataatsimiititaliamit qinnuigineqarput:

Ulloq 19. januar 2016-imi Kalaallit Nunaata Danmarkillu akornanni urani pillugu taamaalinerani isumaqatigiissutigineqartut pillugit isummatik ilisimatitsiffiusumik ataatsimiinnermi saqqummiussatik Naalakkersuisut aalajangiusimavaat?

Isumaqatigiissutigineqartut Kalaallit Nunaata Danmarkillu pissutsinut atatillugu maannangaaq periarfissarineqartunut takussutissaasut Naalakkersuisup oqaatigaa. Allatut periarfissaqarsimappat avammut nioqquteqarnermik sillimaniarnermillu nakkutilliinermut oqartussaaffik pillugu isumaqatigiissutit Naalakkersuisut isumaat malillugu qanoq isikkoqarsimassagaluarpat?

#### **4. Ataatsimiititaliap siunnersuutinik suliarinninnera**

**4.1 UPA2016/104 Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiuteqartoqalersillugu ikiuinissaq pillugu Det Internationale Atomenergiagenturimi isumaqatigiissummut Danmarkip akuersinera pillugu inatsisip Kalaallit Nunaanni atuutilersinneqarnissaa pillugu peqqussummut oqaaseqaat pillugu Inatsisartut aalajangiiffigisassaattut siunnersuut (Ikiuunnissamut nunani tamalaani isumaqatigiissut)**

Kalaallit Nunaat inatsisissatut siunnersuummut tassunga ilannguttariaqarnersoq Inatsisartunit isumaqatigiiffiunngimmat ataatsimiititaliamit oqaatigineqartariaqarpoq. Tunngavissatut pigineqartut tunngavigalugit aalajangiiffigisassatut siunnersuut taanna Inuussutissarsiornermut Ataatsimiititaliamit politikikkut ataatsimoorfigineqarsinnaasorinangilaq. Taamaattumik naalakkersuisooqatigiit illuatungiliuttullu politikikkut isummatik isumaliutissiisummi matumani kapitali 6-ip ataani saqqummiutissavaat.

**4.2 UPA106/106 Uunga siunnersuut: Tunisassianik marloqiusamik atorineqartartunik avammut annissuineramik nakkutiginninneq pillugu Kalaallit Nunaannut inatsisissatut siunnersuummut oqaaseqaateqarnissaaq pillugu Inatsisartut aalajangiiffigisassaattut siunnersuut.**

Kalaallit Nunaat inatsisissatut siunnersuummut tassunga ilannguttariaqarnersoq Inatsisartunit isumaqatigiiffiunngimmat ataatsimiititaliamit oqaatigineqartariaqarpoq. Tunngavissatut pigineqartut tunngavigalugit aalajangiiffigisassatut siunnersuut taanna Inuussutissarsiornermut Ataatsimiititaliamit politikikkut ataatsimoorfigineqarsinnaasorinangilaq. Taamaattumik naalakkersuisooqatigiit illuatungiliuttullu politikikkut isummatik isumaliutissiisummi matumani kapitali 6-ip ataani saqqummiutissavaat.

**4.3 UPA2016/107 Atomip nukinganik atortussianik sorsunnerunngitsumut atuinermik nakkutilliineq pillugu Kalaallit Nunaannut inatsisissatut siunnersuummut oqaaseqaateqarnissaaq pillugu Inatsisartut aalajangiiffigisassaattut siunnersuut**

Kalaallit Nunaat inatsisissatut siunnersuummut tassunga ilannguttariaqarnersoq Inatsisartunit isumaqatigiiffiunngimmat ataatsimiititaliamit oqaatigineqartariaqarpoq. Tunngavissatut pigineqartut tunngavigalugit aalajangiiffigisassatut siunnersuut taanna Inuussutissarsiornermut Ataatsimiititaliamit politikikkut ataatsimoorfigineqarsinnaasorinangilaq. Taamaattumik naalakkersuisooqatigiit illuatungiliuttullu politikikkut isummatik isumaliutissiisummi matumani kapitali 6-ip ataani saqqummiutissavaat.

**4.4 UPA2016/108 Pinerluuteqarsimasunik tunniussisinnaatitaaneq pillugu inatsisip allanngortinneqarneranik inatsisit ilaasa Kalaallit Nunaannut atuutilersinneqarnerannik kunnigip peqqussutaanut Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut.**

Kalaallit Nunaat inatsisissatut siunnersuummut tassunga ilannguttariaqarnerseq Inatsisartunit isumaqatigiiffiunngimmat ataatsimiititaliamit oqaatigineqartariaqarpoq. Tunngavissatut pigineqartut tunngavigalugit aalajangiiffigisassatut siunnersuut taanna Inuussutissarsiornermut Ataatsimiititaliamit politikikkut ataatsimoorfigineqarsinnaasorinangilaq. Taamaattumik naalackersuisooqatigiit illuatungiliuttullu politikikkut isummatik isumaliutissiissummi matumani kapitali 6-ip ataani saqqummiutissavaat.

### **5. Siunnersuutit aningaasaqarnikkut kingunerisassa**

Aalajangiiffigisassatut siunnersuutit piviusunngortinneqarneranni aningaasaqarnikkut allaffissornikkullu kingunerisassat siunnersuummut tunngavilersuummi nassuiaatigineqartassasut Inatsisartut suleriaasianni § 33, imm. 1-imi allassimavoq.

#### **5.1 UPA2016/104 Siunnersuutip aningaasaqarnikkut kingunerisassai**

Akuersineq Namminersorlutik Oqartussanut aningaasaqarnikkut kinguneqassanngitsoq Naalackersuisunit oqaatigineqarpoq. Taamaakkaluartoq nunap ikiuisartup ikiuunnerani pigisat inuilluunniit nunamit tigooraasumeersut mianersuaalliornikkut ajutoortillugit naalagaaffiup/sulisut ikiuisuusut taarsiisussaataanginnissaannut aningaasaliissutitigut tunngavissamik pilersitsinissaq pisariaqartoq Naalackersuisut oqaatigaat.

#### **5.2 UPA2016/106 Siunnersuutip aningaasaqarnikkut kingunerisassai**

Siunnersuutip malitsigisaanik Namminersorlutik Oqartussat aningaasartuuteqarnerulernissaat naatsorsuutigineqanngitsoq Naalackersuisut oqaatigaat. Ukiumut qinnuteqaatit ikittuinnaasassasut, taamaalillunilu qinnuteqaatinut aamma Akileraartarnermut Aqutsisoqarfiup annissinermi akuersissutinik nakkutiginninneranut atatillugu Namminersorlutik Oqartussani allaffissornermi annikitsuinnarmik atuisoqartassasooq naatsorsuutigineqarpoq.

#### **5.3 UPA2016/107 Siunnersuutip aningaasaqarnikkut kingunerisassai**

Inatsisissatut siunnersuutip nassatarisaanik Namminersorlutik Oqartussat aningaasartuuteqarnerulernissaat naatsorsuutigineqanngitsoq Naalackersuisut oqaatigaat. Oqartussaasutut suliaqarnermi Namminersorlutik Oqartussanit peqataanermut aningaasartuutit toqqaannartumik atassuteqartut aatsitassanut ikummatissanullu inatsit malillugu



akuersissutitut nalunaarutaasunut tunngatillugu pisinnaatitsissummik pigisalinni taarsiissuteqartarnikkut matussuserneqassapput.

#### **5.4 UPA2016/108 Siunnersuutip aningaasaqarnikkut kingunerisassai**

Inatsisinik atortitsinermut suliaasaqarfik Danmarkimit tigummineqarmat siunnersuut aningaasaqarnikkut kinguneqartussatut naatsorsuutigineqanngilaq.

### **6. Ataatsimiititaliap inassuteqaatai**

#### **6.1 UPA2016/104**

**Ataatsimiititaliami amerlanerussuteqartut** Siumut, Demokraatit Atassullu siunnersuut **akueringeqassasoq** inassutigaa.

**Ataatsimiititaliami ikinnerussuteqartut** Inuit Ataqtigiit siunnersuut pillugu ima oqaaseqarumapput:

Inuit Ataqtigiit isumaqarput innuttaasut peqataatinneqartariaqartut aammalu Kalaallit Nunaat uranimik paaassanersoq avammullu nioqquteqassanersoq pillugu isumaat tusarniartariaqartut. Immikkoortut nukingiullugit suliarineqarput, taamaanneralu IA-mit naammagineqanngilaq.

Tamanna tunngavigalugu **ataatsimiititaliami ikinnerussuteqartut siuliani taaneqartut** siunnersuut **itigartinneqassasoq** inassutigaa.

#### **6.2 UPA2016/106**

**Ataatsimiititaliami amerlanerussuteqartut** Siumut, Demokraatit Atassullu siunnersuut **akueringeqassasoq** inassutigaa.

**Ataatsimiititaliami ikinnerussuteqartut** Inuit Ataqtigiit siunnersuut pillugu ima oqaaseqarumapput:

Immikkoortoq 106-imi pineqarpoq "Tunisassianik marloqiusamik atorneqartartunik avammut annissuineramik nakkutiginninneq pillugu Kalaallit Nunaannut inatsit". Inatsimmi pineqarput urani aatsitassallu allat qinngornernik ulorianartunik akullit kiisalu tunisassiat teknologiilu marloqiusamik atorneqarsinnaasut.

Inatsisissatut siunnersuutikkut avammut nioqquteqarsinnaanermut akuersissutinik akuersisarnissamut itigartitsisarnissamullu oqartussaaffik Danmarkimut tunniunneqassaaq.

Inatsisissatut siunnersuummi paragraf 6-imi ersarissumik allassimavoq "Inuussutissarsiormut aqutsisoqarfik avammut annissisarnermik nakkutiginninnermut oqartussaasuvoq" aammalu paragraf 7-imi allassimalluni "Avammut annissisarnermik nakkutiginninnermut oqartussaasoq tunisassiat marloqiusamik atorneqartartut anninneqarnissaannut akuersissuteqarluni imaluunniit itigartitsilluni aalajangiissaaq".

Uranimik aatsitassanillu qingornernik ulorianartunik kiisalu aatsitassanik allanik imaluunniit tunisassianik marloqiusamik atorneqarsinnaasunik avammut nioqquteqarnissamik akuersissuteqarnissamut itigartitsinissamulluunniit akisussaaffik oqartussaaffillu taamaalilluni inatsisikkut matumani pineqartukku Danmarkimut tunniunneqarpoq.

Inuit Ataqtigiit inatsisissatut siunnersuummut isumaqataangillat aammalu Kalaallit Nunaata aatsitassanut tunngasunut oqartussaaffiup aalajangiisinnaassutsillu ilaata Danmarkimut utertillugit Naalakkersuisunit tunniunniarneqarnera isumaqtiginagu.

Danmarkip aatsitassanut tunngasut piumasaqaatitaqanngitsumik Kalaallit Nunaannut tamakkiisumik tunniuppai. Taamaattumillu oqartussaaffimmut tunngasut ilaannik Danmarkimut utertitsiniarneq kukkusumik tunngaveqarluni pinerusoq Inuit Ataqtigiit isumaqarput.

Namminersorneq pillugu inatsit Kalaallit Nunaata Danmarkillu akornanni isumaqtigiissutaavoq ersarissoq aammalu inatsisissatut siunnersuut una siunnersuutigineqartutut akuersissutigineqassappat kikkut suna akisussaaffigineraat ersernerlulissaaq. Taamaassappammi sillimaniarnikkut politikimut attuumassuteqarnerarlugu Danmarkimit akisussaaffigeqqilerniarneqarluni Danmarkimit suna tullinnguullugu tikkuarneqassava?

2013 aamma 2014-imi Naalakkersuisuusimasut Inuit Ataqtigiit isumaata assinganik isumaqarsimasut Inuit Ataqtigiit maluginiarpaat. Taamaalillutillu "Uranimik piiaaneq avammullu annissuineq pillugu nalunaarussiaq"-mut ilanngussaq 7-imi ima qulequtaqartumi "Uranik aatsitassanillu qingornernik ulorianartunik akulinnik piiaanermut avammullu annissuinnermut tunngatillugu Naalakkersuisut nunanut allanut tunngatillugu piginnaatitaaffii pillugit allakkiaq"-mi Naalakkersuisut ima allapput: "Kiisalu namminersornermut inatsit tunngavigalugu Naalakkersuisut aatsitassat tungaasigut akisussaaffiinut ilaapput aatsitassanik atuinermut atatillugu avammut tunioraanissamut akuersissutinik tunisisinnaaneq, taakkununga atatillugit uraninik aammalu aatsitassat qingornernik uloriaqartunik akullit". Allakkiaq ulloq 13. september 2013-imi atsiorneqarpoq.

Aammattaaq eqqartuussissuserisoq Ole Spiermann oqaaseqaammuni "Kalaallit Nunaanni uraniumut aatsitassanullu qinngornilinnut allanut tunngatillugu nunanut allanut pisinnaatitaaffiit pillugit" taamani Naalakkersuisuusunit suliaritinneqartumi ullorlu 6. januar 2014-imi tunniunneqartumi ima allappoq " Uranimik aatsitassanillu radiumik qinngornilinnik allanik misissuinernik paaanernillu oqartussaasunik nakkutilliinerit nunamut namminermut pisussaaffiit ataanniippoq. Tamanna aamma atuuppoq uraniumik aatsitassanillu radiumik qinngornilinnik allanik nunanut allanut nioqquteqarnermik nakkutilliineq.

Kalaallit Nunaanni oqartussaasunik nakkutilliineq aamma nunanut allanut niuerneramik nakkutilliineq Namminersorlutik Oqartussat ataanniippoq. Tamanna atuuppoq, nakkutilliinerup suliarinera naalagaaffinnut allanut pisussaaffiit killissaasa iluanniikkaluarpalluunniit. Naalagaaffinnut allanut pisussaaffiit allanngortinneri naalagaaffinnik allanik isumaqatigiissuteqarnikkut pisarpoq tamannalu nunanut allanut politikkeqarnerup ataniilluni. Kisianni Kunneqarfik Danmarkip naalagaaffinnut allanut pisussaaffiisa pioreersut killissaasut iluini naammassinissaat eqqortuutinnissaallu, assersuutigalugu nakkutilliinikkut, tassalu inatsisiliornermik atortitsinermillu pissaanermik atuineq."

Nunani tamani atomip nukinganik nukissiornermik nakkutilliisoqarfimmu (IAEA) aammalu nakkutilliinerimut atatillugu nunani allani oqartussaasunut nalunaarusiortarneq atassuteqartarnerlu nunanut allanut politikkeqarnerimut attuumassuteqarpoq. Namminersorluni oqartussaanerimut inatsit atorlugu aamma suliaassarfiit tamakkiisumik tiguneqartut soorlu aatsitassanut tunngasut iluini aamma nalunaarusiortarneq atassuteqartarnerlu Naalakkersuisunit isumagineqarsinnaavoq".

Siunnersuut itigartinneqassasoq Inuit Ataqaatigiit inassutigaa aammalu aatsitassanut tunngasut ilaata Danmarkimut tunniuteqqinneqassanngitsoq sakkortuumik kaammattuutigalugu.

Suliaassarfik tamanna uterteqqissagutsigu kukkusumik maannangaaq tamakkiisumik aqussinnaanngisatsinnik.

Uranimik aatsitassanillu allanik ulorianartunik qinngornilinnik imaluunniit tunisassianik teknologiinilluunniit marloqiusamik atorneqarsinnaasunik allanik avammut nioqquteqartoqassappat Danmarki immaqalu allat soorunami suleqatigineqassasut Inuit Ataqaatigiit isumaqarput. Inuit Ataqaatigiilli isumaqarput Namminersorneq pillugu Inatsit sakkukillisinngu aammalu oqartussaaffiit Kalaallit Nunaannut utertinneqareersut tunniunnagit suleqatiginneq tamanna ingerlanneqarsinnaasoq.

Taamaattumik immikkoortoq ataatsimiititaliamut uterteqqinneqassasoq aammalu namminersorneq pillugu isumaqatigiissummut kiisalu Kalaallit Nunaata Danmarkillu akornanni oqartussaaffiit agguataarneqarnerannut ersernerluutaalersumik Danmarkimut utertinneqarpata tamatuma kingunerisinnaasaanut atatillugu qulaajarneqassasoq Inuit Ataqtatigiinnit inassutigineqarpoq. Aammattaaq partiit apeqqutigisaat tamakkiisumik akineqanngitsut Inuit Ataqtatigiit isumaqarput aammalu isumaqarlutik apeqqutit saqqummiunneqartut sukumiinerusumik sulissutigineqartariaqartut. Taamaattumillu ataatsimiititaliap apeqqutit taakku sulissutigeqqittariaqarpai.

Tamanna tunngavigalugu **ataatsimiititaliami ikinnerussuteqartut siuliani taaneqartut** siunnersuut **itigartinneqassasoq** inassutigaa.

### 6.3 UPA2016/107

**Ataatsimiititaliami amerlanerussuteqartut** Siumut, Demokraatit Atassullu siunnersuut **akuerineqassasoq** inassutigaa.

**Ataatsimiititaliami ikinnerussuteqartut** Inuit Ataqtatigiit siunnersuut pillugu ima oqaaseqarumapput:

Inuit Ataqtatigiit isumaqarput innuttaasut peqataatinneqartariaqartut aammalu Kalaallit Nunaat uranimik paaassanersoq avammullu nioqquteqassanersoq pillugu isumaat tusarniartariaqartut. Immikkoortut nukingiullugit suliarineqarput, taamaanneralu IA-mit naammagineqanngilaq.

Tamanna tunngavigalugu **ataatsimiititaliami ikinnerussuteqartut siuliani taaneqartut** siunnersuut **itigartinneqassasoq** inassutigaa.

### 6.4 UPA2016/108


**Ataatsimiititaliami amerlanerussuteqartut** Siumut, Demokraatit Atassullu siunnersuut **akuerineqassasoq** inassutigaa.

**Ataatsimiititaliami ikinnerussuteqartut** Inuit Ataqtatigiit siunnersuut pillugu ima oqaaseqarumapput:


Inuit Ataqtatigiit isumaqarput innuttaasut peqataatinneqartariaqartut aammalu Kalaallit Nunaat uranimik paaassanersoq avammullu nioqquteqassanersoq pillugu isumaat tusarniartariaqartut. Immikkoortut nukingiullugit suliarineqarput, taamaanneralu IA-mit naammagineqanngilaq.

Tamanna tunngavigalugu ataatsimiitaliami ikinnerussuteqartut siuliani taaneqartut siunnersuut itigartinneqassasoq inassutigaat.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuutit aappasaaniigassanngortippai.



Siverth K. Heilmann,  
Siulittaasoq




Aqqaluaq B. Egede,  
Siulittaasup tullia



Justus Hansen



Suka K. Frederiksen



Iddimanngiu Bianco



Inuussutissarsiornermut Ataatsimiititaliaq  
/ Maani

Dato: 25-04-2016  
J.nr.: 01.30.29-00093

**Inuussutissarsiornermut Ataatsimiititaliap UPA2016/104-mik, UPA2016/106-imik,  
UPA2016/107-imik UPA2016/108-millu suliarinninneranut atatillugu ataatsimeeqatiserinninneq**

Nunanut Allanut Sillimaniarnermullu Ataatsimiititaliap Inuussutissarsiornermut Ataatsimiititaliaq oqaluuserisassani immikkoortuni ataani taaneqartunik suliarinninneranut atatillugu tusarniaaviumik ataatsimeeqatigineqarnissani kissaatigaa:

**UPA2016/104:**

Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiuteqartoqalersillugu ikiuinissaq pillugu Det Internationale Atomenergiagenturimi isumaqatigiissummut Danmarkip akuersinera pillugu inatsisip Kalaallit Nunaanni atuutilersinneqarnissaa pillugu peqqussummut oqaaseqaat pillugu Inatsisartut aalajangiiffigisassaattut siunnersuut.

**UPA2016/106:**

Uunga siunnersuut: Tunisassianik marloqiusamik atorneqartartunik avammut annissuineramik nakkutiginninneq pillugu Kalaallit Nunaannut inatsisissatut siunnersuummut oqaaseqaateqarnissaq pillugu Inatsisartut aalajangiiffigisassaattut siunnersuut.

**UPA2016/107:**

Atomip nukinganik atorussianik sorsunnerunngitsumut atuineramik nakkutilliineq pillugu Kalaallit Nunaannut inatsisissatut siunnersuummut oqaaseqaateqarnissaq pillugu Inatsisartut aalajangiiffigisassaattut siunnersuut.

**UPA2016/108**

Pinerluuteqarsimasunik tunniussisinnaatitaaneq pillugu inatsisip allanngortinneqarneranik inatsisit ilaasa Kalaallit Nunaannut atuutilersinneqarnerannik kunngip peqqussutaanut Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut.

Taamatut kissaateqarnermut tunngaviuvoq Nunanut Allanut Sillimaniarnermullu Ataatsimiititaliap nalilermagu immikkoortut pineqartut taamatuttaaq ataatsimiititaliap suliassaqaarfiinut attuumassuteqartut, taamaattumillu ataatsimiititaliaq periarfissaqarusukkaluarluni Inuussutissarsiornermut Ataatsimiititaliamut isummaminik saqqummiussinissaminut, immikkoortut ulloq 6. maj aappassaaneerseqannginnerini.

Nunanut Allanut Sillimaniarnermullu Ataatsimiititaliap siunnersuutigaa tallimangornermi ulloq 29. april nal. 15 ataatsimiittarfimmi 2-mi ataatsimeeqatigiittoqassasoq.

Ikinngutinnersumik inuulluaqqusillunga

Justus Hansen

Nunanut Allanut Sillimaniarnermullu Ataatsimiititaliap Siulltaasua

Side 1 af 1



NASA Aatsitassanullu Ataatsimiititaliaq  
/MAANI

Ulloq: 26. april 2016  
J.nr.: 01.36.02.02-00155

**NASA-p Aatsitassanullu Ataatsimiititaliap imm. 104/106/107/108-nut oqaaseqaataat tusarniarlugit NASA Aatsitassanullu Ataatsimiititaliaq tallimangornermi ulloq 29. april, nal. 15.00-16.00 Inuussutissarsiornermut Ataatsimiititaliamit aggersarneqarput.**


Asasakka NASA-mut Aatsitassanullu Ataatsimiititaliamut ilaasortat

Imm. 104/106/107/108 Inuussutissarsiornermut Ataatsimiititaliami suliarineqartussatut innersuunneqarput. Inatsisissatulli siunnersuutit ataatsimiititaliat arlallit suliaasaqarfinut attuumassuteqarput. Taamaattumik immikkoortut ataatsimiititaliat taakku marluk suliaasaqarfiisa ataaniittut pillugit apeqqutit oqaaseqarfiginissaannut NASA-p Aatsitassanullu Ataatsimiititaliap periarfissinnissaat Inuussutissarsiornermut Ataatsimiititaliamit kissaatigineqarpoq.

Taamaattumillu tallimangornermi ulloq 29. april ataatsimiinnissamut matumuuna aggersarneqarpusi. Ataatsimiinneq ataatsimiittarfik nr. 2-mi nal. 15.00-16.00 ingerlanneqassaaq.

Ataatsimiinneq Siverth K. Heilmannimit aqunneqassammat.

Inussiarnersumik inuulluaqqusillunga

  
Siverth K. Heilmann  
Ataatsimiititaliap siulittaasua





INATSISARTUT

Inuussutissarsiornermut, Suliffeqarnermut,  
Niuernermut Nunanullu Allanut Naalakkersuisoq  
/MAANI

Ulloq: 12. maj 2016

J.nr.: 01.36.02.04-00025

**Marlunngornermi 17. maj, nal. 15.00, Inatsisartut ataatsimiittarfianni nr. 2-mi  
Inuussutissarsiornermut Ataatsimiititaliamit, Nunanut Allanut Sillimaniarnermullu  
Ataatsimiititaliamit aammalu Aatsitassanut Ataatsimiititaliamit  
siunersiorneqarnissamut aggeqqusisut**

#### **Asasara Vittus**

Imm. 104/106/107/108-mik suliarinninnerminut atatillugu siunnersuut taanna pillugu  
Inatsisartut ataatsimiititaliaasa allat isumaasa tusarnissaat Inuussutissarsiornermut  
Ataatsimiititaliap kissaatigaa. Siunersiunissaq tamanna taama suliniuteqarnermut  
takussutissaavoq.

- 1. Aatsitassat sillimaniarnermut politikimut attuumassuteqarnerat pillugu**  
Naluneqanngitsutut urani marloqiusamik atorneqarsinnaavoq, aatsitassaq taanna  
sorsunnissamik siunertaqanngitsunut sorsunnissamillu siunertalinnut  
atorneqarsinnaalluni. Taamaattumillu aatsitassamik taassuminnga paaaneq avammullu  
nioqquteqarnek nunanut allanut, illersornissamut sillimaniarnermullu  
attuumassuteqartutut Kunneqarfik Danmarkimit isigineqarput.
- a) Kalaallit Nunaanni aatsitassanik allanik peqarpa sillimaniarnermut politikimut  
sunniuteqarsinnaasunik? Matumani aatsitassat qaqutigoortut 17-it ilaatigut  
eqqarsaatigineqarput.
- b) Aatsitassat qaqutigoortut 17-it tamarmik Europamut pingaaruteqartutut  
nalilerneqartut EU kommissionimit 2010-mi nalunaarsorneqarsimanerat  
Naalakkersuisunit ilisimaneqarpa? Taama nalunaaruteqarnek Naalakkersuisunit  
qanoq isigineqarpa?
- c) Kalaallit Nunaanni aatsitassat ilimanaateqartut, naalagaaffiup nunanut allanut  
sillimaniarnermullu politikimut kalluaasinnaasutut oqaatigineqarsinnaasut, tamarmik  
nalunaarsorneqarnissaat naalagaaffimmit sulissutigineqarpa?
- d) Taamaassimangippat aatsitassat, assersuutigalugulu aatsitassat qaqutigoortut  
ilaannik paaasoqartillugu taakku naalagaaffiup sillimaniarnermut politikikkut  
soqutigisaanut ilaansut paasiniarlugu naalagaaffiup suliamit suliamut  
nalilersuisarneranik tamanna kinguneqarsinnaava?

- e) Oqaaseqatigiit "marloqiusamik atorpeqartartunik tunisassiat teknologiilu". Marloqiusamik atorpeqartartunik teknologiimut atatillugu killissaq sumiinnersoq aammalu qanoq ilinikkut marloqiusamik atorpeqartartunik teknologiimik atuinissamut kina killiliisarnersoq Naalakkersuisut nassuiaatigisinnaavaat?

## 2. Uranimik aatsitassanillu marloqiusamik atorpeqartartunik nakkutilliineq avammullu nioqquteqarneq

Inatsissatut siunnersuummi § 6-imi allassimavoq Inuussutissarsiornermut Aqutsisoqarfik avammut nioqquteqarnermut oqartussaasuusoq aammalu inatsimmi § 7-imi allassimalluni avammut nioqquteqarnermik annissisarnermik nakkutilliinermut oqartussaasoq tunisassiat marloqiusamik atorpeqartartut anninneqarnissaannut akuersissuteqarluni itigartitsilluniluunniit aalajangiisassasoq.

- f) Aalajangersakkat siuliani allassimasut aatsitassanik aqutsineq eqqarsaatigalugu Namminersorlutik Oqartussat oqartussaaffiisa annikillineqarnerannut takussutissatut isigaagit?
- g) § 6 aamma § 7-imi aalajangersakkat Namminersorneq pillugu Inatsimmi siunertarineqartunut naapertuuttut oqaatigineqarsinnaappat, tamatumani nunatta aatsitassaataanut Kalaallit Nunaat nakkutilliisussaatinneqarluni?
- h) § 6 aamma § 7 aqutugalugit aatsitassat amerlanerusut ilanngunneqartarnissaasa; taakku immikkut pingaarutilittut, taamaalillutillu naalagaaffiup sillimaniarnermut politikianut ilaalersinneqarsinnaanerit eqqarsaatigalugu; aalajangersimasunngortinnginnissaa Naalakkersuisunit qanoq qulakkeerniarneqarpa?
- i) Suliassaqarfik tamanna pillugu oqaaseqaataani Naalakkersuisut eqqartuussissuserisumut Ole Spiermannimut suliarititaani toqqaannartumik allassimavoq avammut nioqquteqarnermik nakkutilliinissat taakku Namminersorlutik Oqartussat oqartussaaffigigaat aamma urani aatsitassallu allat sillimaniarnermut politikimut tunngassutillit pineqaraluarpataluunniit. Oqaaseqaammut tamatumunnga Naalakkersuisut ullumikkut qanoq isumaqarpat aammalu oqartussaaffiup taama agguataarneqarneranut atatillugu Naalakkersuisut Kalaallit Nunaat sinnerlugu suliap sumut killinnerani isumartik allanngortippaat?
- j) Namminersorneq pillugu inatsit innersuussutigalugu sillimaniarnermut avammullu nioqquteqarnermik nakkutilliinermut oqartussaaffiit tiguneqaqqinnissaannik Kalaallit Nunaat kingusinnerusukkut piumasaqaateqarsinnaasoq Naalakkersuisut isumaqarpat?
- k) Aatsitassaannaangitsoq sorpassuillu sillimaniarnermut politikikkut isiginiarneqarsinnaammata suliassaqarfinni Kalaallit Nunaata tamakkiisumik tigusimasaanni oqartussaaffinnik Danmarkimut tunniussuilemniisaaq kukkusumik tunngaveqarnerunngila? Aammalu Naalakkersuisut killissaq sumiissoraat?
- l) Aatsitassanut suliassaqarfiup tiguneqarnera eqqarsaatigalugu Danmarkimi namminersorneq pillugu inatsimmik piumasaqaatitaqanngitsumik atsiorsimasooq Naalakkersuisut isumaqarpat? Taamaassimappat maanna Namminersorneq pillugu

isumaqatigiissutip atuutilereernerat kingorna suliassaqarfiup ilaanik Danmarkki maanna sooq tiguseqqissava?

Siunersiuinerup ingerlanneqarnerani ataatsimiititaliap malitseqartitsilluni apeqquteqartarnissaa naatsorsuutigineqartariaqarpoq.

Ataatsimiititaliap Naalakkersuisumik siunersiuinerata Naalakkersuisup ataatsimiititaliallu akornanni pingaarnersuilluni tullerijaaarinerit anguniakkallu pillugit naalakkersuineranut tunngasumik oqaloqatigiinnertut sapinngisamik iluseqartinneqartarnissaa ataatsimiititalianit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguninngua uunga nassiunneqarnissaa qinnutigineqarpoq: [dje@inatsisartut.gl](mailto:dje@inatsisartut.gl), [juul@inatsisartut.gl](mailto:juul@inatsisartut.gl) aammalu [anni@ina.gl](mailto:anni@ina.gl).

Allakkiaq ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut tunniuteqquneqarpoq.

Siulittaasoq sinnerlugu



Justus Hansen



## Isumasioqatigiinnermut ilisimatitsissut

**Inuussutissarsiornermut Ataatsimiititaliamik, Nunanut Allanut Sillimaniarnermullu  
Ataatsimiititaliamik aamma Aatsitassanut Ataatsimiititaliamik sisamanngorneq 19.  
maj nal. 15.00-mi Inatsisartut ataatsimiittarfiani nr. 2-mi isumasioqatigiinneq**

18-05-2016  
Sags nr.

**Ilisimatitsissut manna UPA17 imm.104/106/107/108-mut atasut sammisat pillugit  
isumasioqatigiinnermi atugassatut suliarineqarpoq.**

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

Inuussutissarsiornermut Ataatsimiititaliap siunnersuummi Inatsisartuni  
ataatsimiititaliat allat nalunaarutaat tusassallugit kissaatigisimavaa aamma  
isumasioqatigiinni oqallinnermut atugassanik Naalakkersuisunut ilaasortamut arlalinnik  
apeqquteqarsimalluni. Ilisimatitsissummi matuma apeqqutit sammineqarput  
isumasioqatigiinnissamut aggersaanermi immikkoortoq 1-imut aamma 2-mut  
aallarniutaasumik akissuteqarfigineqarlutik kingornalu ataani allassimasutut apeqqutit  
ataasiakkaat tamarmik naatsumik akineqarlutik.

*1. Aatsitassat sillimaniarnermut politikimut attuumassuteqarnerat pillugu  
Naluneqanngitsutut urani marloqiusamik atorineqarsinnaavoq, aatsitassaq taanna  
sorsunnissamik siunertaqanngitsunut sorsunnissamillu siunertalinnut  
atorineqarsinnaalluni. Taamaattumillu aatsitassamik taassuminnga paaaneq  
avammullu nioqquteqarneq nunanut allanut, illersornissamut sillimaniarnermullu  
attuumassuteqartutut Kunneqarfik Danmarkimit isigineqarput.*

**Immikkoortoq 1-imut. apeqqutit 1a, 1b, 1c, 1d aamma 1e:**

Siaruarterinnginnissamut pisussaaffiit Kunneqarfiup Danmarkip nunanut allanut,  
illersornissamut aamma sillimaniarnermut politikkiata ilagai, naalagaaffeqatigiit  
suliassaralugit. Namminersorneq pillugu inatsit Danmarkip aamma Kalaallit Nunaata  
akornanni oqartussaaffinnik agguaneq pillugu tunngaviusumik maleruagassanik  
imaqarpoq. Namminersorneq pillugu inatsimmi § 1 malillugu Kalaallit Nunaanni  
Namminersorlutik Oqartussat taamaalillutik suliassaqarfiit tiguneqarsimasut iluanni  
inatsisiliortuullutillu inatsisinik atortitsisuupput. Namminersorneq pillugu inatsit  
danskiteq aamma kalaallit oqartussat akornanni akissussaaffimmik avitsinngilaq.  
Sillimaniarnermik nakkutilliineq pillugu L 155 aamma avammut niuerner  
nakkutilliineq pillugu L 158 (UPA2016/107) aamma (UPA2016/106) pillugu inatsisissatut  
siunnersuutit taamaallaat naalagaaffiup suliassaanut tunngasuupput. Inatsisissatut  
siunnersuutit uranimik iluaquteqarnerup aamma piuneerutsitsinermi sakkunut

atorneqarsinnaasunik tunisassianut atortorissaarutinillu avammut niuernermi isiginiagassat taamaallaat ilaapput.

Danmarkimi naalackersuisut aamma Naalackersuisut 2016-p aallartinnerani arlalinnik isumaqatigiissuteqarput taakkunani aalajangersarneqarluni Kalaallit Nunaanni uranimik allanillu pinngoqqaatinik qinngornernik ulorianartunik akulinnik piiaanermut avammullu niuernermit atasunik immikkut nunanut allanut, illersornissamut sillimaniarnermullu politikkikkut pissutsit pillugit Danmarki aamma Kalaallit Nunaat qanoq suleqatigiissanersut. Danskít kalaallillu ataatsimoorlutik uran pillugu nalunaarusaannik 2013-meersumik isumaqatigiissutit tunngaveqarput. Isumaqatigiissutaasut sillimaniarnermik nakkutilliineq aamma avammut niuernermik nakkutilliineq pillugu ataatsimoortumik nalunaaruteqartut tamanna pillugu Folketingimi danmarkimi naalackersuisut inatsisissatut siunnersuutinik marlunnik saqqummiussinerannut tunngaviupput. Uran pillugu nalunaarusiaq aamma isumaqatigiissutit namminersorneq pillugu inatsit malillugu piginnaatitaanernik agguinermik danskít kalaallit ataatsimoorlutik isiginninnerannut takussutaapput.

Avammut niuernermik nakkutilliineq pillugu inatsisissatut siunnersuummi tunisassianik atortorissaarutinillu marloqiusumik atorneqarsinnaasunik avammut niuernermik nakkutilliinermi inatsisitigut allaffissornikkut tuningavissanik aalajangersaavoq, qulakkeerneqarluni NP Sillimaniarnermut Siunnersuisoqatigiivisa Nalunaarutaannik 1540/2004-meersumik, NP-ip pineqaatissiinermik aamma sakkunik eqqusseqqusinninnermik kiisalu nunat tamalaat avammut niuernermik nakkutilliinermik Kunngaqarfiup Danmarkip malinninneranik qulakkeerisut.

Tunisassianik atortorissaarutinillu marloqiusamik atorneqarsinnaasunik aalajangersaaneq nunani tamalaani avammut niuernermi nakkutilliiffinni sisamani pivooq, Nuclear Suppliers Group, Australien Gruppen, Wassenaar Arrangementet amma Missile Technology Regime. Nunat tamalaat pisussaaffii taakku nangaassuteqanngitsumik Kalaallit Nunaannut atuupput.

Inatsisissatut siunnersuutip kingunerisaanik Danmarkimisulli maleruagassat taakku Kalaallit Nunaanni atuutissapput, tassani avammut niuernermik nakkutilliinissamut pisussaafik EU-mi marloqiusamik atorneqarsinnaasut pillugit peqqussutikkut naammassineqarlutik (nr. 428/2009). EU-p nakkutilliinermi allattuiffiata avammut niuernermik nakkutilliinerit sisamat allattuiffii allattuiffimmut ataatsimoorussamut katersorpai. Avammut niuernermik nakkutilliineq pillugu inatsisissatut siunnersuutikkut EU-p nakkutilliinermi allattuiffia nalunaarutikkut Kalaallit Nunaannut atulersinneqassaaq.

Tamanna tunngavigalugu apeqqutinut ataasiakkaanut 1a-miit 1e-mut imatut oqaaseqassaanga.

- a) *Kalaallit Nunaanni aatsitassanik allanik peqarpa sillimaniarnermut politikimut sunniuteqarsinnaasunik? Matumani aatsitassat qaqutigoortut 17-it ilaatigut eqqarsaatigineqarput.*

**Akissut**

Pinngortitamiit uran aamma thorium kiisalu aatsitassat uranimik akullit (taaneqartut yellowcake) immikkoortiterinermi normumi OCO01-imi nakkutilliinermi allattuiffimmi allanneqarsimapput.

Aatsitassat qaqutigoortut nakkutilliinermi allattuiffimmi allanneqarsimangillat taamaalillutillu inatsisissamut siunnersuummut ilaatinneqarnatik. Inatsisissatut siunnersuut taamaallaat marloqiusamik atorneqarsinnaasunut (dual-use) tunisassianut tunngasuuvoq. Pinngoqqaatit soorlu kangussaq, zink, savimineq imaluunniit aatsitassat qaqutigoortut nakkutilliinermi allattuiffimmi allanneqarsimangillat taamaalillutillu inatsisissatut siunnersuummut ilaanatik.

Nunanut allanut, illersornissamut imaluunniit sillimaniarnermi politikikkikut isiginiagassat aamma uraniunngitsunut aatsitassaanik allanut ikitsuinnarnut atasinnaapput. Tassani assersuutigalugu aatsitassat qaqutigoortut. Kunngearfiup nunanut allanut, illersornissamut aamma sillimaniarnermi politikikkikut soqutigisaanik tamarmiusunik isumaginninneq qulakkeerniarlugu danskit kalaallillu oqartussat akornanni kingunearluartumik suleqatigiinnermi aamma illugiilluni paasissutissanik paarlaasseqatigiinnermik taamaattumik pilersitsisoqarsimavoq. Suleqatigiinneq taanna sillimaniarnermi nakkutilliineq aamma avammut niuernermit nakkutilliineq pillugu isumaqatigiissutinik tunngaveqanngilaq, kisiannili imminnut siunersornissamut naalagaaffeqatigiinni peqataasunut nalinginnaasumik pisussaaffimmeerluni aamma Kunngearfiup nunanut allanut, illersornissamut aamma sillimaniarnermi politikikkikut soqutigisaanik tamarmiusunik isumaginninnermut pingaaruteqartuni apeqqutini paasissutissanik tatiginnittumik paarlaasseqatigiiffiulluni.

- b) *Aatsitassat qaqutigoortut 17-it tamarmik Europamut pingaaruteqartutut nalilerneqartut EU kommissionimit 2010-mi nalunaarsorneqarsimanerat Naalakkersuisunit ilisimaneqarpa? Taama nalunaaruteqarneq Naalakkersuisunit qanoq isigineqarpa?*

**Akissut**

Aatsitassat qaqutigoortut EU-p nakkutilliinermi allattuiffiani allanneqarsimangillat aamma pissuseq taamaattumik avammut niuernermit nakkutilliineq pillugu inatsisissatut siunnersuut malillugu malittarisassaliofineqartunut ilaanani.

Aatsitassat qaqutigoortut isornartuunersut pillugit EU kommissioni naliliisimanersoq pillugu apeqqut inatsisissatut siunnersuummi ilaanngilaq, nunat tamalaat avammut niuernermit nakkutilliinermi pisussaaffinik aamma saffiugassanik uramimik imaluunniit thoriumimik akulinnik avammut niuernerq pillugu nunat tamalaat malitassaannik

qaffasinnerpaamik Kunneqarfiup Danmarkip eqqortitsinissaanik qulakkeerinissamut taamaallaat pingaarnertigut siunertaqarluni.

EU kommissionip 2010-mi naliliinera EU-mi ataqatigiinnermi isigineqartariaqarpoq, tassani aningaasarsiornikkut niuernikkullu politikikkut eqqarsaasersuutit europami pilersuinnermut atatillugu aatsitassat qaqutigoortut isornartuusinnaanersut nalilersuinnermi ilaasimasinnaallutik.

- c) *Kalaallit Nunaanni aatsitassat ilimanaateqartut, naalagaaffiup nunanut allanut sillimaniarnermullu politikimut kalluaasinnaasutut oqaatigineqarsinnaasut, tamarmik nalunaarsorneqarnissaat naalagaaffimmit sulissutigineqarpa?*

#### **Akissut**

EU-p marloqiusamik atorineqarsinnaasut pillugit peqqussutaata (nr. 428/2009) malitsigisaanik EU-p nakkutilliinnermi allattuiffiani allanneqarsimasunut aatsitassanut Naalakkersuisut taamaallaat ilisimasaqarput. EU-p nakkutilliinnermi allattuiffiani allanneqarsimapput pinngortitamiit urani aamma thorium kiisalu aatsitassat uranimik akullit (taaneqartut yellowcake) kisianni aatsitassat qaqutigoortut naamik.

- d) *Taamaassimangippat aatsitassat, assersuutigalugulu aatsitassat qaqutigoortut ilaannik paaasoqartillugu taakku naalagaaffiup sillimaniarnermut politikikkut soqutigisaanut ilaanersut paasiniarlugu naalagaaffiup suliamit suliamut nalilersuisarneranik tamanna kinguneqarsinnaava?*

#### **Akissut**

Avammut niuernermik nakkutilliinnermut siunnersuummi § 3-mi aalajangersagaq EU-p nakkutilliinnermi allattuiffiata nalunaarutikkut Kalaallit Nunaannut atulersinnissaanut Inuusutissarsiornermut ministerimut piginnaatitsilerpoq. Tamatuma kinguneraa EU/Danmarkimisulli maleruagassat taakku Kalaallit Nunaanni atuutilissasut, allamik naamik. Aatsitassat allat assersuutigalugu aatsitassat qaqutigoortut avammut niuernermik nakkutilliinnermut ilaatinneqassanngillat nunat tamalaat avammut niuernermik nakkutilliinnerini sisamani tamanna pillugu siumoortumik isumaqatigiissuteqarnikkut EU-p nakkutilliinnermi allattuiffiani taakku ilanngunneqanngippata. Tamanna qaquguluunniit piviusunngorumaarnersoq Naalakkersuisut arlaannatigulluunniit ilisimasaqanngillat.

- e) *Oqaaseqatigiit "marloqiusamik atorineqartartunik tunisassiat teknologiilu". Marloqiusamik atorineqartartunik teknologiimut atatillugu killissaq sumiinnersoq aammalu qanoq ilinikkut marloqiusamik atorineqartartunik teknologiimik atuinissamut kina killiliisarnersoq Naalakkersuisut nassuiaatigisinnaavaat?*

#### **Akissut**

Marloqiusamik atorineqarsinnaasut tunisassiat atortorissaarutillu suunersut aalajangerneri nunat tamalaat avammut niuernermik nakkutilliiffiini sisamani pisarpoq:

Nuclear Suppliers Group, Australien Gruppen, Wassenaar Arrangementet aama Missile Technology Regime.

Kunngearfiup Danmarkip siaruarterinnginnissamut pisussaaffinnik naammassinninnera NP Sillimaniarnermut Siunnersuisoqatigiivisa Nalunaarutaat 1540/2004-meersoq malippaa. Soorlu eqqaaneqartoq pisussaaffiit taakku EU-p peqqussutaatigut Danmarkimi naammassineqarsimapput. Marloqiusamik atorineqarsinnaasut tunisassiat atortorissaarutillu EU-p ataatsimoorissamik nakkutilliinermi allattuiffiani allanneqarsimapput, taanna ingerlaavartumik nutarterneqartarluni aamma Inuussutissarsiornermut Aqutsisoqarfiup nittartagaani aaneqarsinnaalluni.

*2. Oqaaseqatigiit "marloqiusamik atorineqartartunik tunisassiat teknologiilu".  
Marloqiusamik atorineqartartunik teknologiimut atatillugu killissaq sumiinnersoq aammalu qanoq ilinikkut marloqiusamik atorineqartartunik teknologiimik atuinissamut kina killiisarnersoq Naalakkersuisut nassuiaatigisinnaavaat?*

**Immikkoortoq 2-mut.** apeqqutinut f), g), h), i), j), k), aamma l):

Kalaallit Nunaanni uranimik allanillu pinngoqqaartup qinngornernik ulorianartunik akulinnik piiianermut avammullu niuernermet atasunik immikkut nunanut allanut, illersornissamut sillimaniarnermullu politikikkut pissutsit pillugit danmarkimi naalakkersuisut aamma Naalakkersuisut akornanni isumaqatigiisummi danskit aamma kalaallit oqartussat akornanni akisussaaffiit suliassanillu avitsisimanerit erseqqissarpai.

Isumaqatigiisummit qulaani taaneqartumit takuneqarsinnaavoq Kalaallit Nunaanni aatsitassanik misissueqqaarnernut, misissuinernut piiianermullu akuersissutit aatsitassanut inatsit malillugu atulersinneqartartut. Isumaqatigiisummit aamma takuneqarsinnaavoq uranimik allanik pinngoqqaatinik qinngornernik ulorianartumik akulinnik iluaquteqarneq Kunngearfiup siammarterinnginnissamut pisussaaffii naapertorlugit pissasoq sillimaniarnermi nakkutilliinermut, avammut niuernermit nakkutilliinermut, isumannaallisaanikkut kiisalu allatigut nunat tamalaat pisussaaffiitut attuumassuteqartunut naleqqiullugu.

Siaruarterinnginnissamut pisussaaffiit Kunngearfiup Danmarkip nunanut allanut, illersornissamut aamma sillimaniarnermut politikkiata ilagai, naalagaaffeqatigiit suliassaralugit. Namminersorneq pillugu inatsit Danmarkip aamma Kalaallit Nunaata akornanni oqartussaaffinnik agguaneq pillugu tunngaviusumik maleruagassanik imaqqarpoq. Namminersorneq pillugu inatsimmi § 1 malillugu Kalaallit Nunaanni Namminersorlutik Oqartussat taamaallutik suliassaqqarfiit tiguneqarsimasut iluanni inatsisiliortuullutillu inatsisinik atortitsisuupput. Namminersorneq pillugu inatsit danskit aamma kalaallit oqartussat akornanni akisussaaffimmik avitsinngilaq.



Avammut niuernermik nakkutilliineq pillugu inatsisissatut siunnersuummi tunisassianik atortorissaarutinillu marloqiusumik atorreqarsinnaasunik avammut niuernermik nakkutilliinermi inatsisitigut allaffissornikkut tunngavissanik aalajangersaavoq. Inatsisissatut siunnersuutip qulakkiissavaa NP Sillimaniarnermut Siunnersuisoqatigiivisa Nalunaarutaannik 1540/2004-meersumik, NP-ip pineqaatissiinerinik aamma sakkunik eqqusseqqusinnginnerinik kiisalu nunat tamalaat avammut niuernermik nakkutilliinerinik Kunngeqarfiup Danmarkip aamma Kalaallit Nunaata malinninnerannik qulakkeerisut. Sillimaniarnermi siunnersuisoqatigiit nalunaarutaanni aalajangersakkat naalagaaffiit innuttaasunut pisussaaffigaat aamma Danmarkimut aamma Kalaallit Nunannut atuullutik.

- f) *Aalajangersakkat siuliani allassimasut aatsitassanik aqutsineq eqqarsaatigalugu Namminersorlutik Oqartussat oqartussaaffiisa annikillineqarnerannut takussutissatut isigaagit?*

**Akissut**

Immikkoortoq 1 aamma 2-mut aallarniutaasumik qulaani oqaaseqaatinut innersuussillunga avammut niuernermik nakkutilliineq pillugu inatsisissatut siunnersuummi §§ 6 aamma 7-imi aalajangersakkat Namminersorlutik Oqartussat oqartussatut nakkutiginnittussaataanerannik annikilliliingillat, aatsitassanut tunngasuni ingerlatsineq imaluunniit allatigut namminersorlutik oqartussani immikkoortut allat eqqarsaatigalugit.

- g) *§ 6 aamma § 7-imi aalajangersakkat Namminersorneq pillugu Inatsimmi siunertarineqartunut naapertuuttut oqaatigineqarsinnaappat, tamatumani nunatta aatsitassaataanut Kalaallit Nunaat nakkutilliisussaatinneqarluni?*

**Akissut**

Immikkoortoq 1 aamma 2-mut aallarniutaasumik qulaani oqaaseqaatinnut innersuussillunga isumaqarpunga § 6 aamma § 7-imi aalajangersakkat Namminersorneq pillugu inatsisip aamma aatsitassanut inatsisip malitsigisaannik oqartussaaffinnik agguassinermit tamakkiisumik naapertuuttut.

- h) *§ 6 aamma § 7 aqutigalugit aatsitassat amerlanerusut ilanngunneqartarnissaasa; taakku immikkut pingaarutilittut, taamaalillutillu naalagaaffiup sillimaniarnermut politikianut ilaalersinneqarsinnaanerit eqqarsaatigalugu; aalajangersimasunngortinnginnissaa Naalakkersuisunit qanoq qulakkeerniarneqarpa?*

**Akissut**

Soorlu immikkoortoq 1 aamma 2-mut aallarniutaasumik qulaani oqaaseqaatinnit takuneqarsinnaasoq inatsisissatut siunnersuut taamaallaat marloqiusamik atorreqarsinnaasut tunisassiat kisimik pineqarput. Pinngortitamiit uran aamma thorium kiisalu aatsitassat uranimik akullit (taaneqartut yellowcake)

immikkoortiterinermi normumi OC001-imi nakkutilliinermi allattuiffimmi allanneqarsimapput.

Pinngooqaatit soorlu kangussaq, zink, savimineq imaluunniit aatsitassat qaqutigooortut nakkutilliinermi allattuiffimmi allanneqarsimangillat taamaalillutillu inatsisissatut siunnersuummut ilaanatik.

Naalackersuisut taamaattumik aalajangersunnngortitsinerup pineqarnera akuerisinnaangilaat. Piffissap ingerlanerani EU-p nakkutilliinermi allattuiffianut aatsitassat allat allanneqassappata nunat tamalaat avammut niuerneramik nakkutilliiffiini sisamani nunat tamalaat suleqatigiinnissamut pisussaaffianut atasumik tamanna pissaaq. Eqqaaneqartutut Naalackersuisut tamatuma qaquguluunniit pinissaa pillugu ilisimasaqangillat.

- i) *Suliassaqarfik tamanna pillugu oqaaseqaataani Naalackersuisut eqqartuussissuserisumut Ole Spiermannimut suliarititaani toqqaannartumik allassimavoq avammut nioqquteqarnermik nakkutilliinissat taakku Namminersorlutik Oqartussat oqartussaaffigigaat aamma urani aatsitassallu allat sillimaniarnermut politikimut tunngassutillit pineqaraluarpataluunniit. Oqaaseqaammut tamatumunnga Naalackersuisut ullumikkut qanoq isumaqarpat aammalu oqartussaaffiup taama agguataarneqarneranut atatillugu Naalackersuisut Kalaallit Nunaat sinnerlugu suliap sumut killinnerani isumartik allannngortippaat?*

#### **Akissut**

Uran pillugu kalaallit danskillu ataatsimoorlutik nalunaarusiaat oktober 2013-meersoq nunanut allanut sillimaniarnikkullu politikikkut pissutsini Danmarkip aamma Kalaallit Nunaata akornanni oqartussaaffiup agguataarneranik Naalackersuisut isiginninnerannut tunngaviuvoq. 2013-mi nalunaarusiaq aallaavigalugu avammut niuerneramik nakkutilliineq pillugu ataatsimoorluni nalunaarummi Danmarkip aamma Kalaallit Nunaata akornanni oqartussaaffiup agguarnera atuuttoq uteqqinneqarpoq. Ataatsimoorluni nalunaarummi Danmarkip aamma Kalaallit Nunaata akornanni sulinerit agguarneri aamma avammut niuerneramik nakkutilliinermit tunngasuni naalagaaffiup pisussaaffiini isumaginninnissamut pisariaqartitsinerit malillugit suliassat allaaserineqarput. Marloqiusamik atorneqarsinnaasunik tunisassianik avammut niuerneramik nakkutilliineq pillugu ataatsimoorluni nalunaarut tassaavoq avammut niuerneramik nakkutilliineq pillugu inatsisissatut siunnersuutip saqqummiunneqarnissaanut politikikkut tunngavik. Naalackersuisut taamaalillutik 2013-mi nalunaarusiaq aallaavigalugu nunani tamalaani avammut niuerneramik nakkutilliinermi pisussaaffinik Kunngaqarfiup Danmarkip malinninnerata qulakkeerneqarnissaa pillugu Danmarkip aamma Kalaallit Nunaata isumaqatigiinnerat tunngavigalugu oqartussaaffiit agguarnerannut isuma taannaasoq aalajangiussimavaat.

- j) *Namminersorneq pillugu inatsit innersuussutigalugu sillimaniarnermut avammullu nioqquteqarnermik nakkutilliinermut oqartussaaffiit tiguneqaqqinnissaannik Kalaallit Nunaat kingusinnerusukkut piumasaqaateqarsinnaasoq Naalakkersuisut isumaqarpat?*

#### **Akissut**

Sillimaniarney aamma avammut niuerneramik nakkutilliineq pillugu inatsisissatut siunnersuutinut ilaapput uranimik iluaquteqarnermi avammullu niuernermi nunanut allanut, illersornissamut sillimaniarnermullu politikikkut isiginiarneqartussat. Tassani pineqarput naalagaaffiup suliassai, taamaattumik Naalagaaffiup aamma Namminersorlutik Oqartussat akornanni oqartussaaffinnik nuussinissaq imaluunniit utertitsinissaq pineqarnatik.

- k) *Aatsitassaannaanngitsoq sorpassuillu sillimaniarnermut politikikkut isiginiarneqarsinnaammata suliassaqarfinni Kalaallit Nunaata tamakkiisumik tigusimasaanni oqartussaaffinnik Danmarkimut tunniussuilernissaq kukkusumik tunngaveqarnerunngila? Aammalu Naalakkersuit killissaq sumiissoraat?*

#### **Akissut**

Kunngaqarfiup Danmarkip nunanut allanut, illersornissamut sillimaniarnermullu politikikkia naalagaaffiup suliassaraa. Namminersorneq pillugu inatsit Danmarkip aamma Kalaallit Nunaata akornanni oqartussaaffiit agguarneri pillugit maleruagassanik tunngaviusunik imaqarpoq. Namminersorneq pillugu inatsimmi § 1 malillugu Kalaallit Nunaanni Namminersorlutik Oqartussat taamaalillutik suliassaqarfiit tiguneqarsimasut iluanni inatsisiliortuullutillu inatsisunik atortitsisuupput. Namminersorneq pillugu inatsit danskit aamma kalaallit oqartussat akornanni akisussaaffimmik avitsinngilaq. Sillimaniarnermik nakkutilliineq pillugu aamma avammut niuernermit nakkutilliineq pillugu inatsisissatut siunnersuutit uranimik iluaquteqarney aamma avammut niuernerq pillugu nunanut allanut, illersornissamut sillimaniarnermullu politikikkut isiginiakkanut, naalagaaffiup suliassaanut tunngasusunut attuumassuteqarput.

- l) *Aatsitassanut suliassaqarfiup tiguneqarnera eqqarsaatigalugu Danmarkimi namminersorneq pillugu inatsimmik piumasaqaatitaqanngitsumik atsiorsimasooq Naalakkersuisut isumaqarpat? Taamaassimappat maanna Namminersorneq pillugu isumaqatigiissutip atuutilereernerat kingorna suliassaqarfiup ilaanik Danmarki maanna sooq tiguseqqissava?*

#### **Akissut**

Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersukkut Namminersorlutik Oqartussanik ulloq 1. januar 2010-mi aatsitassanut tunngasut tiguneqarput taamaalillunilu aatsitassanut tunngasuni ingerlatsineq pillugu nalinginnaasunik tunngavissanik maleruagassanillu erseqqinnerusunik aalajangersaanissamut pisinnaatitaaffik tamaat, tassunga ilanngullugit aatsitassanik misissueqqaarnissamut, misissuinissamut

iluaquteqarnissamullu akuersissutinik nalunaaruteqarneq. Aatsitassanut tunngasunik tigusineq namminersorneq pillugu inatsit malillugu pivoq aamma naalagaaffik tamakkiisumik paaseqatigalugu.

Aatsitassanut tunngasut iluanni oqartussaasutut Naalackersuisut piginnaatitaaffianut ilaasunut naleqqiullugu piginnaatitaaneq utertinneqarsinnaananilu tamanna pisussaangilaq.

Avammut niuerneramik nakkutilliinermi oqartussat avammut niuerneramik nakkutilliineq pillugu inatsit naapertorlugu avammut niuernissamut qinnuteqaammut akuersineq pillugu aalajangiisimappata immikkoortuni tiguneqarsimasuni kalaallit nunaanni inatsisit allat malitsigisaannik qinnuteqaammik itigartitsisoqassanersoq pillugu allanngorneqanngitsumik Naalackersuisut aalajangiisinnaapput, tassunga ilanngullugu aatsitassat pillugit inatsit. Aatsitassanut tunngasuni arlaatigut utertitsisoqarnissaata pineqarnera Naalackersuisut akerlilerpaat.

Sillimaniarneq aamma avammut niuerneramik nakkutilliineq pillugu inatsisissatut siunnersuutitut eqqaaneqartutut ilaapput uranimik iluaquteqarnermi avammullu niuernermi nunanut allanut, illersornissamut sillimaniarnermullu politikikkut isiginiarneqartussat, taakku naalagaaffiup suliassaralugit.